

জনসংযোগ অফিস
জাহাঙ্গীরনগর বিশ্ববিদ্যালয়
সাভার, ঢাকা, বাংলাদেশ
ফোন: ৭৭৯১০৪৫-৫১



Public Relations Office
Jahangirnagar University
Savar Dhaka Bangladesh
Phone: +88027791045-51

প্রেস বিজ্ঞপ্তি

জাবিতে বিশ্ব স্বাস্থ্য দিবস পালিত

জাহাঙ্গীরনগর বিশ্ববিদ্যালয়, ৭ এপ্রিল ২০১৯।

জাহাঙ্গীরনগর বিশ্ববিদ্যালয়ে বিশ্ব স্বাস্থ্য দিবস পালিত হয়েছে। দিনটি উপলক্ষে আজ পাবলিক হেলথ এন্ড ইনফরমেটিক্স বিভাগ ও বিশ্ববিদ্যালয় চিকিৎসা কেন্দ্র র্যালি, সেমিনার ও প্রচারণার কর্মসূচী গ্রহণ করে। সকাল ১০টায় চিকিৎসা কেন্দ্র ও সকাল ১১টায় পাবলিক হেলথ এন্ড ইনফরমেটিক্স বিভাগ বর্ণাঢ্য র্যালি বের করে। র্যালি দুটি ক্যাম্পাস প্রদক্ষিণ করে। র্যালি উদ্বোধন করতে গিয়ে উপাচার্য অধ্যাপক ড. ফারজানা ইসলাম বলেন, স্বাস্থ্য অমূল্য সম্পদ। স্বাস্থ্য রক্ষা ও স্বাস্থ্য সচেতন হওয়া সকলের জন্যই জরুরী। প্রত্যেকে স্বাস্থ্যবান ও সুস্থ জীবন যাপন করলে জাতির প্রতি আমরা আনন্দচিন্তে দায়িত্ব পালন করতে পারব। অসুস্থ মানুষের পক্ষে নিজের পরিবারের প্রতি যেমন যত্নবান হওয়ার সুযোগ থাকে না তেমনি জাতির প্রতিও সে মনোযোগী হতে পারে না। তাই সবার জন্য স্বাস্থ্যবান ও সুন্দর জীবন কাম্য।

এ সময় প্রো-উপাচার্য (শিক্ষা) অধ্যাপক ড. মো. নূরুল আলম, কোষাধ্যক্ষ অধ্যাপক শেখ মো. মনজুরুল হক, সিনেট সদস্য, ডীনবন্দ, হল প্রভোস্ট, ভারপ্রাপ্ত রেজিস্ট্রার রহিমা কানিজ, প্রক্টর আ স ম ফিরোজ-উল-হাসান, পাবলিক হেলথ এন্ড ইনফরমেটিক্স বিভাগের সভাপতি ড. মো.তাজউদ্দিন সিকদার, ভারপ্রাপ্ত প্রধান মেডিক্যাল অফিসার ডা. মো. শামছুর রহমান সহ বিপুল সংখ্যক ছাত্র শিক্ষক অফিসার কর্মচারী উপস্থিত ছিলেন।

পরিচালক (ভারপ্রাপ্ত)

জনসংযোগ অফিস